

Broj: 06-03-139-04/3/19
Mostar, 27.02.2019. godine

Na osnovu člana 21. stav (1) tačka 9), člana 37., člana 84. stav (3) i člana 87. stav (2) i člana 88. stav (1) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 10., člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 46. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 38., člana 42. stav (1) tačka a) i člana 43. Pravilnika za izdavanje dozvola („Službene novine Federacije BiH“ broj 2/17), člana 9a. stav (1) Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17, 59/17 i 49/18), postupajući po Zahtjevu za oduzimanje dozvole za rad broj 06-03-139/3/19 od 04.02.2019. godine podnosioca AL Trade d.o.o. iz Mostara, Bačevići bb, Mostar, u postupku oduzimanja Dozvole za snabdijevanje električnom energijom – dozvole II reda broj 06-03-508/28/17, Regulatorna komisija za energiju u Federaciji Bosne i Hercegovine – FERK je 27.02.2019. godine na III redovnoj sjednici donijela sljedeće

R J E Š E N J E

o oduzimanju dozvole

1. Imaocu dozvole AL Trade d.o.o. iz Mostara oduzima se Dozvola za snabdijevanje električnom energijom – dozvola II reda broj 06-03-508/28/17, izdata Rješenjem broj 06-03-508-04/28/17 od 09.06.2017. godine, sa periodom važenja od 09.06.2017. godine do 08.06.2019. godine.
2. Imalac dozvole je obavezan platiti privremenu regulatornu naknadu za 2019. godinu za period važenja dozvole u 2019. godini u iznosu od 1.561,64 KM, u roku od 30 dana od dana primanja rješenja.
3. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.
4. Stupanjem na snagu ovog rješenja prestaje važiti Rješenje broj 06-03-508-04/28/17 od 09.06.2017. godine, kojim je izdata Dozvola za snabdijevanje električnom energijom – dozvola II reda broj 06-03-508/28/17.

O b r a z l o ž e n j e

Članom 21. stav (1) tačka 9) Zakona o električnoj energiji u Federaciji Bosne i Hercegovine propisano je da je nadležnost FERK-a izdavanje, obnova, prenos ili oduzimanje dozvola za proizvodnju, distribuciju, snabdijevanje, trgovinu električne energije i operatora za obnovljive izvore energije i efikasnu kogeneraciju. Članom 84. stav (3) ovog zakona propisano je da je imalac dozvole dužan ispunjavati obaveze utvrđene dozvolom za

rad, dok je članom 87. stav (2) istog zakona propisano da FERK izdaje, obnavlja, prenosi ili oduzima dozvole za rad u skladu sa procedurama propisanim posebnim aktima FERK-a, poštujući načela hitnosti postupka, a članom 88. stav (1) zakona da se zahtjev za izdavanje, obnovu, izmjenu, dopunu ili prenos dozvole za rad podnosi FERK-u.

Članom 38. Pravilnika za izdavanje dozvola propisano je da se postupak obnove, izmjene i dopune, prenosa i oduzimanja dozvole za rad može pokrenuti na zahtjev imaoca dozvole i na vlastitu inicijativu FERK-a, dok je članom 42. stav (1) tačka a) istog pravilnika propisano da FERK može oduzeti dozvolu za rad ukoliko imalac dozvole podnese zahtjev za oduzimanje dozvole za rad. Takođe, članom 43. ovog pravilnika propisano je da se postupak obnove, izmjene i dopune, oduzimanja i prenosa dozvole, vodi na isti način kao i postupak izdavanja dozvole, ali i da ukoliko su u zahtjevu za pokretanje postupka navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i donijeti odluka o podnesenom zahtjevu bez održavanja javne rasprave.

FERK je 04.02.2019. godine primio od podnosioca AL Trade d.o.o. iz Mostara Zahtjev za oduzimanje dozvole za rad pod brojem 06-03-139/3/19, koji se odnosi na Dozvolu za snabdijevanje električnom energijom – dozvola II reda broj 06-03-508/28/17, sa periodom važenja od 09.06.2017. godine do 08.06.2019. godine, koju je FERK izdao Rješenjem broj 06-03-508-04/28/17 dana 09.06.2017. godine. FERK je 05.02.2019. godine primio i dopunu navedenog zahtjeva pod brojem 06-03-139-01/3/19.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za oduzimanje dozvole 06-03-139-02/3/19 od 15.02.2019. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 19.02.2019. godine pod brojem 06-03-139-03/3/19, uz koji je dostavio traženu dokumentaciju i obrazloženja, a na osnovu kojih je FERK utvrdio da je podneseni zahtjev potpun.

Polazeći od prava podnosioca zahtjeva, kao imaoca dozvole zahtjevati od FERK-a oduzimanje izdate mu dozvole za rad uslijed njegove odluke da ne obavlja elektroprivrednu djelatnost za koju mu je izdata dozvola za rad, u skladu sa odredbom člana 42. stav (1) tačka a) Pravilnika za izdavanje dozvola, FERK je izvršio pregled primljenog zahtjeva. Obzirom da su uz zahtjev za oduzimanje dozvole za rad navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da je podnosilac zahtjeva odlučio ne obavljati elektroprivrednu djelatnost za koju je izdata dozvola za rad, FERK je utvrdio da su ispunjeni uslovi za primjenu odredbe člana 43. stav (2) Pravilnika za izdavanje dozvola.

Na osnovu provedenog postupka oduzimanja Dozvole za snabdijevanje električnom energijom – dozvola II reda broj 06-03-508/28/17, koju je FERK izdao 09.06.2017. godine podnosiocu zahtjeva AL Trade d.o.o. iz Mostara, analize Zahtjeva za oduzimanje dozvole za rad broj 06-03-139/3/19 od 04.02.2019. godine i dokumentacije priložene uz isti, utvrđeno je da se zahtjevu AL Trade d.o.o. iz Mostara može udovoljiti, u skladu sa članom

21. stav (1) tačka 9), članom 84. stav (3), članom 87. stav (2) i članom 88. stav (1) Zakona o električnoj energiji u Federaciji Bosne i Hercegovine, a u vezi sa članom 43. stav (2) Pravilnika za izdavanje dozvola.

U skladu sa članom 9a. stav (1) Pravilnika o metodologiji i načinu obračuna regulatornih naknada za imaoce dozvola, imaoцима dozvola za obavljanje elektroprivredne djelatnosti i Operatoru za OIEiEK, kojima se vrši oduzimanje dozvole obaveza plaćanja regulatorne naknade preračunava se pojedinačnim rješenjem u skladu sa periodom važenja dozvole. FERK je 04.01.2019. godine pod brojem 13-360-000109 uputio AL Trade d.o.o. iz Mostara obavještenje o obavezi plaćanja privremene regulatorne naknade za I polugodište 2019. godine, u kojem je naveden iznos koji je imalac dozvole obavezan platiti, kao i rok za plaćanje istog. Kako se regulatorna naknada plaća za period važenja dozvole za rad, ponovnim obračunom utvrđena je privremena regulatorna naknada za period važenja dozvole za 2019. godinu u iznosu od 1.561,64 KM, o čemu će se imaoцу dozvole ispostaviti posebno obavještenje.

POUKA O PRAVNOM LIJEKU:

Protiv ovog rješenja AL Trade d.o.o. iz Mostara može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić